



Մ ՈՒՐՐ Զ ԱԿՈՐ

ԱՌԱՋՆՈՐԴԱՆԻՍ ՄԱՅՐ ԵՆԵՆԵՑԻ



ՅԻՍԱԱԿԷՆ ԵՏՔ ԵՐԿՐՈՐԴ ԿԻՐԱԿԻ

2 ԴԵԿՄԲԵՐ 2018

Կիրակնօրեայ Ընթերցումներ	Էջ 1
Աղօթք Կոչման	Էջ 3
Աղօթք Խաղաղութան	Էջ 3
Ծանուցումներ	Էջ 4

ԸՆԹԵՐՑՈՒՄ

ԵՍԱՅԻ ՄԱՐԳԱՐԷԻ ԳԻՐՔԷՆ

(36.22-37.11)

Քեզկիայի որդի Եղիակիմը, որ արքունի հազարապետն էր, հրովարտակներու քարտուղար Սոմնասը եւ Ասափի որդի Յովաքը, որ արձանագրութիւն պահող քարտուղարն էր, իրենց վերարկուները պատռած՝ եկան Եզեկիա թագաւորին մօտ, եւ Սենեքերիմի հրամանատարին խօսքերը փոխանցեցին:

Եզեկիա երբ լսեց՝ իր հագուստները պատռեց, քուրձ հագաւ եւ ելաւ Տիրոջ տաճարը գնաց, եւ Եղիակիմ հազարապետը, քարտուղար Սոմնասն ու տաճարի քահանաներէն ծերերը, բոլորն ալ քուրձեր հագած, զրկեց Ամոսի որդի Եսայի մարգարէին քով, որպէսզի անոր ըսեն. «Եզեկիա այսպէս կ'ըսէ.- Այսօր սուգի, նախատինքի, կշտամբանքի եւ բարկութեան օր է: Ծննդական կնոջ պէս՝ երկուները բռներ է մեզ, բայց ոյժ չունինք ծնանելու: Թող քու Տէր Աստուածդ լսէ թէ ի'նչ կ'ըսէ Ասորեստանի թագաւորին հրամանատարը, որ իր Տիրոջ կողմէ զրկուեցաւ

կենդանի Աստուածը նախատելու ա'յն նախատական խօսքերով, որ քու Տէր Աստուածդ լսեց: Արդ, հարցուր քու Տէր Աստուծոյդ, ի՞նչ պիտի ըլլայ մնացողներուս վիճակը»:

Երբ Եզեկիա թագաւորին ծառաները Եսայիի քով եկան, Եսայի ըսաւ անոնց. «Հետեւեալը ըսէք ձեր տիրոջ.- Այսպէս կ'ըսէ Տէրը. Մի՛ վախնար այն խօսքերէն որ լսեցիր եւ որոնցմով Ասորեստանի թագաւորին պատգամաւորները զիս նախատեցին: Ահաւասիկ ես անոր հոգին պիտի խռովեմ այնպիսի լուրով մը, որ ստանալուն պէս իր երկիրը պիտի վերադառնայ եւ հոն սուրով պիտի սպաննուի»:

Ասորեստանի թագաւորին հրամանատարը վերադարձաւ իր տիրոջ մօտ, որ Լաքիշէն ելած եւ Լիբնա քաղաքը պաշարած էր: Այնտեղ Սենեքերիմ լսելով որ Եթովպիոյ Թարակա թագաւորը իր վրայ յարձակած է, անոր դէմ դարձաւ: Նոյն ատեն պատգամաւորներ զրկեց Եզեկիային, ըսելով. «Այսպէս ըսէք Հրէաստանի թագաւոր Եզեկիային.- Այն Աստուածը որուն ապաւիններ ես՝ Թող քեզ չխաբէ, ըսելով թէ Երուսաղէմը Ասորեստանի թագաւորին ձեռքը պիտի չմատնուի: Մի՛թէ չլսեցի՞ր թէ ի'նչպէս Ասորեստանի թագաւորները ամբողջ աշխարհը կործանեցին: Կը կարծես որ դուն պիտի ազատի՞ս»:

ՊՕՂՈՍ ԱՌԱՔԵԱԼԻ
ԹԵՍԱՂՈՆԻԿԵՑԻՆԵՐՈՒՆ ԳՐԱԾ
ԱՌԱՋԻՆ ՆԱՄԱԿԷՆ
(4.1-11)

Այսպէս, ուրեմն, եղբայրներ, մենք ձեզի սորվեցուցինք թէ ի՛նչպէս պէտք է ապրիլ Աստուծոյ հաճելի ըլլալու համար: Թէպէտ այդպէս կ'ապրինք արդէն, սակայն կը խնդրենք եւ Տէր Յիսուս Քրիստոսի անունով կը թելադրենք որ շարունակէք յառաջանալ ներկայ ձեր ընթացքին մէջ: Գիտէք թէ ի՛նչ պատուէրներ տուինք ձեզի Տէր Յիսուսի անունով, որովհետեւ Աստուծոյ կամքն է որ դուք սրբուիք եւ ամենեւին հեռու մնաք պոռնկութենէ: Ձեզմէ իւրաքանչիւրը թող սրբութեամբ ու պատուով ամուսնանայ: Կրքոտ ցանկութիւններու անձնատուր մի՛ ըլլաք հեթանոսներուն պէս, որոնք զԱստուած չեն ճանչնար. կամ չըլլայ որ մէկը եղբօր մը դէմ մեղանչէ անոր կիներ յափշտակելով, որովհետեւ այդ բոլորին համար Տէրը իր դատաստանին մէջ անողոք պիտի ըլլայ, ինչպէս սկիզբէն ըսինք ձեզի եւ ազդարարեցինք: Միթէ Աստուած մեր պղծալից կեանքը շարունակելով հրաւիրեց մեզ, թէ սրբութեամբ ապրելու: Անշուշտ թէ սրբութեամբ ապրելու: Հետեւաբար ով որ սրբութեան այս պատուէրը կ'արհամարհէ՝ մարդ մը անարգած չ'ըլլար, այլ նոյնինքն զԱստուած, որ իր Սուրբ Հոգին կու տայ մեզի:

Գալով եղբայրսիրութեան, մեր գրելուն պէտք չունիք, որովհետեւ ինքնին դուք Աստուծմէ սորված էք զիրար սիրել, ինչպէս արդէն գործնապէս ցոյց կու տաք այդ սէրը ամբողջ Մակեդոնիայի բոլոր եղբայրներուն նկատմամբ: Բայց դարձեալ, եղբայրներ, կը խնդրենք որ աւելի առատանաք ձեր սիրոյն մէջ,

ջանաք հանդարտ կեանք մը վարել, միայն ձեր գործին նայիլ եւ ձեր աշխատանքի վաստակով ապրիլ, ինչպէս որ պատուիրեցինք ձեզի, որպէսզի ձեր պարկեշտ ընթացքով յարգուիք չհաւատացողներէն եւ ոեւէ մէկուն կարօտ չմնաք:

ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԷՆ
ԸՍՏ ՂՈՒԿԱՍԻ
(13.1-9)

Ոմանք եկան Յիսուսի եւ պատմեցին այն գալիլիացիներուն մասին, որոնք Պիղատոսի կողմէ սպաննուեցան, երբ Աստուծոյ զոհ կը մատուցանէին: Յիսուս անոնց ըսաւ. «Կը կարծէ՞ք թէ սպաննուող գալիլիացիները միւս բոլոր գալիլիացիներէն աւելի մեղաւոր էին, որ այդպիսի վախճան մը ունեցան: Ո՛չ: Կ'ըսեմ ձեզի, որ եթէ չապաշխարէք՝ դուք բոլորդ ալ նոյնպէս պիտի մեռնիք: Կամ ի՞նչ կը մտածէք այն տասնեւութ մարդոց մասին, որոնց վրայ ինկաւ աշտարակը Սելովամի մէջ եւ սպաննեց զանոնք: Անոնք աւելի՞ յանցաւոր էին քան Երուսաղէմի բոլոր բնակիչները: Ո՛չ: Կ'ըսեմ ձեզի, որ եթէ չապաշխարէք՝ բոլորդ ալ նոյնպէս պիտի մեռնիք»:

Անոնց հետեւեալ առակը պատմեց. «Մարդ մը կար որ իր այգիին մէջ թզենի մը տնկած էր: Երբ ժամանակը եղաւ, թուզ քաղելու գնաց, բայց թզենիին վրայ պտուղ չգտաւ: Այգեպանին ըսաւ. «Այս երրորդ տարին է որ կու գամ թուզ քաղելու, բայց չեմ գտներ: Ուստի կտրէ՛ գայն, ինչն ու անիմաստ կերպով տեղ գրաւէ»: Այգեպանը պատասխանեց. «Տէ՛ր, թող այս տարի ալ մնայ. ես իր շուրջի հողը կրկին կը փորեմ եւ պարարտացուցիչ կը դնեմ: Այս ձեւով թերեւս պտուղ տայ. ապա թէ ոչ՝ գալ տարի կտրէ գայն»»:

**ՔԱՀԱՆԱՅԱԿԱՆ
ՉԵՌՆԱԴՐՈՒԹԵԱՆ
ԱՂՕԹՔ**

«Տէր Աստուած, որ կարողն է քեզ այդ հաւատքին մէջ զօրացնելու եւ հաստատելու, թող իր քաղցրութեամբ պահէ եւ իր օրհնութեամբ ամրացնէ քեզ, եւ շնորհքներու փայլով ծաղկազարդէ միտքդ եւ զգայարանքներդ, սիրտդ եւ խորհուրդներդ, խօսքերդ եւ գործերդ, մուտքդ եւ ելքդ՝ իր Աջին զօրաւոր հովանիին տակ: Թող Ան իր հզօր ձեռքովն ու ամենահաս բազուկով քու վրայ հեղէ Ս. Հոգիին լուսաւոր շնորհքներուն ճառագայթները՝ եօթնազան պայծառութեամբ, այնպէս ինչպէս առաքեալներու դասին վրայ հեղեց հրացայտ ծաւալումով, որպէսզի իր կրակով զինէ քեզ, եւ հրեղէններուն յատուկ շնորհքներով օժտուիս: Եւ որպէսզի անոնց օրհնութեամբ զմայլիս, հրճուիս, զուարճանաս եւ խայտալից բերկրանքով ցնծաս անսպառ ուրախութեանց մէջ՝ Աստուծոյ վայելքներու վտակներէն ըմպելով. անուամբ Հօր, Որդիին եւ Ս. Հոգիին, որուն կը վայելէ փառքը, իշխանութիւնն ու պատիւը. այժմ եւ միշտ եւ յաւիտեանս յաւիտենից. ամէն»:

**ԱՂՕԹՔ
ԽԱՂԱՂՈՒԹԵԱՆ**

ԹԱՄԵԱ ՄԵՐԹԵԱԷ

Հզօր եւ ամենագութ Աստուած, Հայրն ամենուն, Արարիչն ու Գերագոյն Իշխանաւորը Տիեզերքին, եւ Պատմութեան Տէրը, որուն ծրագիրները անիմանալի են, որուն փառքը անայլայլ է, որուն ողորմութիւնը մեր յանցանքներուն համար՝ անսպառելի է,

Կամքիդ մէջ է մեր խաղաղութիւնը:

Գթառատ, ահանջդ խոնարհեցուր այս աղօթքին, որ քեզի կը վերառաքուի խառնաշփոթութեան եւ յուսահատութեան ընդմէջէն աշխարհի մը, ուր դուն մոռցուած ես, ուր Անունդ չի կանչուիր, եւ պատուիրաններդ կը ծաղրուին, եւ ներկայութիւնդ կ'անտեսուի:

Քանի քեզ չենք ճանչնար՝ զրկուած ենք խաղաղութենէն:

Օգնէ մեզի, որ մեր վրայ տիրել սպառնացող գէնքերուն վրայ հակադէմք ունենանք:

Օգնէ մեզի, որ մեր գիտութիւնը գործածենք խաղաղութեան եւ բարօրութեան համար, եւ ոչ թէ պատերազմի եւ կործանման: Տոյց տուր մեզի հիւլէական ուժը գործածելու իմաստուն կերպը, որպէսզի մեր սերունդներուն սերունդները օրհնենք, եւ ոչ թէ աղէտ բերենք անոնց գլխուն:

Լուծէ մեր ներքին հակասութիւնները, որոնք անհաւատալիօրէն եւ անտանելիօրէն բարդանալու վրայ են: Անոնք միաժամանակ թէ՛ տանջանք են եւ թէ՛ օրհնութիւն, եթէ մեզ օժտած չըլլայիր գիտակցութեան լոյսով, պիտի չկարենայինք տանիլ զանոնք: Սորվեցուր մեզի անձկութեան եւ անսպառնալիքեան տառապանքին մէջ երկար տոկալ: Սորվեցուր մեզի սպասել եւ վստահիլ:

Լոյս, զօրութիւն եւ համբերութիւն տուր բոլոր անոնց՝ որոնք խաղաղութեան համար կը ճգնին:

ՏՆՕՐՀՆԷՔ

Տնօրհներ փափաքող ընտանիքները,
թող բարեհաճին դիմել
Տ. Գառնիկ Ա. Քինյ. Գոյունեանի,
հեռաձայնելով
514 909 5203 թիվին:

ՎՅԵԼԵՅՏԷ՛Ք ԵԿԵՂԵՑՈՅՍ

ԴԻՄԱՏԵՏՐԻ ԷՁՐ
ԵՒ ՁԵՐ ՀԱԽԱՆՈՒԹԻՒՄԸ յԱՅՏԵՅՏԷՔ
(like).

www.facebook.com/SourpHagopChurchMontreal

ՎՅԵԼԵՅՏԷ՛Ք ԱԼԵՒ

Ս. ՅԱԿՈԲ ԱՌԱՋ ԱՍՅՐ ԵԿԵՂԵՑՈՅ ՄԱՅՐ
ԵԿԵՂԵՑՈՅ ԿԱՅԷՁՐ՝
www.sourphagop.net

ՀԻՒԱՆՈՒՆԵՐՈՒՄ ԿՅԵԼՈՒԹԻՒՄ

Բարեհաճեցեք հեռաձայնել
Արժ. Տ. Գառնիկ
Ա. Քինյ. Գոյունեանի.
514 909 5203 թիվին:

Սոյն թերթիկը ե-նամակով ստանալու
համար Ձեր ե-Հասցեն ուղարկե՛ժեք
eglise@sourphagop.net



Ս. ՅԱԿՈԲ ԱՌԱՋ ԱՍՅՐ ԵԿԵՂԵՑՈՅ
ՀԻՄՆԱԴՐՈՒԹԵԱՆ

60- ԱՄԵԱԿԻ ԱՌԹԻԻ
ՅՈՒԲԵԼԵՆԱԿԱՆ
ՃԱՇԿԵՐՈՅԹ

Օրհնութեամբ եւ Նախագահութեամբ
Գերշ. Տ. Բարգէն Արք. Չարեանի
Առաջնորդ Գանատայի Հայոց Թեմիս

Հովանաւորութեամբ՝
«Բաստրմաճեան» Հիմնադրամի

Կազմակերպութեամբ՝
Ս. Յակոբ Առաջ. Մայր Եկեղեցոյ Հոգաբարձութեան

Շաբաթ, 15 Դեկտեմբեր 2018

Երեկոյեան ժամը 7:30-ին
Հայ Կեդրոնէն ներս

Մեղաններ ապահովելու համար հեռաձայնել

Տիկ. Նայիրի Բարսիւեանին. 514 891-4361

Եկեղեցոյ քարտուղարութեան. 514 331-5445 x 202

Մուտքի անվեր՝ \$60.00